



JOANNES VETUS
CAROLO LOTARINGO
Principi & Cardinali illustrissimo.

Hoc anno Joannes CALVINUS & Franciscus BALDUINUS inter se contendunt, inæquali quidem jure, sed tamen non dissimili robore, nec impari lacer-torum, animorūmque contentione. Non enim CALVINO adversarius nobilior potuit exi-stere, cum quo gloriose in arenam, aciém-que descenderet; at non eidem causa levior, & iniquior subesse, ex quā pugnandi occasio-nem, ansāmque arriperet. Quid enim CAL-VINUS, aut quorsum BALDWINUM laceſſat, à quo nulla injuria, sed nec verbo quidem sit unquam violatus?

Quæritur de quodam libro, qui superiori anno in Germania est evulgatus, & pii viri, ac Reipubl. tranquillitatis studiosi titulo, ar-gumentoque donatus; cuius quidem libri BAL-

DUINUM autorem fuisse consingit. Primum quid est, quod ille liber tantopere indomitam hominis bilem concitat? Verum audito pii Viri nomine offenditur, quasi pii Viri appellationem, memoriamque de medio sublatam esse velit? An verò, quod componendorum dissidiorum ratio aliqua ab Authore perquiratur, ipse autem dissidia non placari, sed crescere, sed disseminari malit, ac propterea concordiae, pacisque arbitros, & moderatores, veluti juratos hostes oderit? Mirum verò hominis ingenium, qui tametsi hoc unum à Deo singulariter intelligit esse præceptum commendatum, ut litium modum, & mutuam inter nos ipsos gratiam appetamus, ut in eandem sententiam, benevolentiamque coeamus, conditiones nihilominus conciliandæ Ecclesiæ, atque hominum societatis negligat, refugiat, insectetur. Deinde ut liber ille nauseam male affecto ejus stomacho commoverit; an continuò in BALDUINI sinum cruda suæ iracundiæ frusta turpiter evomere nunquam intermittet?

Sed aliud est profectò, quod hominem discruciat: quod quale fuerit, videor tandem, nisi fallor, conjiciendo, & indagando assecutus. Nam quo tempore bonus nimirum Magister è suâ scholâ eos in Galliam dimiscebatur, qui dissensionum, quas toto Regno ardere cernimus, faces præferrent, eodem penè BALDUINUS è Germaniâ in Regis Navar-

ræ

ræ clientelam, multorum votis, studiisque expetitus, veniebat. Nescio, an CALVINUS à BALDUINO sibi metueret, quem plurimorum consiliorum testem, conscientque, nulli tamen culpæ affinem aliquando habuerat: certæ publicæ tranquillitatis amantem, minimeque turbulentum & antea fuisse, & perpetuo fore sciebat. Itaque illum in Galliâ minus æquo animo perferre cœpit, & non nihil etiam subvereri, ne, si á patrono suo REGE SERENISSIMO, & de motuum componendorum rationibus deliberante, atque adeò ab aliis proceribus auditus esset, ut audiri cœperat; concordiâ constituta, spes omnis explicandæ, proferendæque factionis, ipso statim initio interrupta, penitus concidisset. Hæc opinio paulò pòst quorundam, qui factioni incumbabant, literis confirmata, Magistri suspiciosi, nimiumque meticulosi exulceratum animum ita perculit, ut violentus, & furens repente ad BALDUINUM convitiis dilaniandum, intemperanti bacchantium more, æstuque præcipiti, & effrænato proruperit. Nullum, opinor, maledictum ne in flagitiosissimis (quidem lustris, & helluationibus jactari solet, quod non hic censor Theologus è suo copiæ Cornu revertit, & in viri optimi, doctissimique caput indignè, atque invidiosè contorserit.

Quid autem BALDUINUS? miratur sanè tam improvsum adversarii furorem, tanto iracun-

diæ impetu in se concitatum; & eò quidem magis miratur, quòd, cur eò tam impudens calumnia se se projecerit, nullam omnino causam suspicari, aut divinare possit. Nam neque de libro illo quidquam resciebat, nisi quòd CASSANDRUM cujusdam libri, qui tunc à plerisque legeretur, parentem fuisse accipiebat; neque aliunde abs se oblatam exercendarum inimicitiarum occasionem vel levissimam unquam fuisse sciebat. Ergo ut importuno convitiatori, quem tamen non nominabat, satisfaceret, quantà maximâ potest, vel etiam majore, quām debet, modestiâ, & continentiâ respondit, eidemque collectas ex libris Jurereconsultorum leges, quæ adversùs sceleratos calumniatores perlatæ reperiuntur, temperatè proponit, ut tandem aliquantùm territus adversarius calvere, calumniarique desuescat. Id que sperans, & propterea jam securus Lutetiam quamplurimorum Togatorum precibus, & literis accersitus, perpetuæ Jurisprudentiæ cum universâ Historiâ utilissimam, & hactenus è paucis intellectam conjunctionem profiteri cœpit. Quā in conjunctione tantam literarum omnium, & antiquitatis scientiam profert, ut minimè pigeat doctissimos curiæ suimæ Patronos in Juris, & Legum studio, usque diu, & multùm versatos, tamen BALDUINO, tanquam Moloni cuidam Appollonio se se recoquendos tradere.

Qua-

Quatuor, aut quinque menses in susceptâ
duarum difficillimarum rerum professione, as-
siduâ operâ, & incredibili audientium applau-
su perduxerat, cùm ecce iterum terribilia
convitorum fulmina ex lacu Æoli, vel potius
Vulcani Lemno advehuntur; quæ quidem ut
BALDUINUM nihil de gradu, constantiaque de-
jiciant, multorum tamen officiosissimorum
Auditorum animos non mediocriter offendunt:
qui cùm graviter ferant adversarii importuni-
tatem, toties sínè causâ repetitam, tum verò
Magistri sui innocentis existimationem calum-
niis protervè appeti, & quidem interturbari
ægerrimè patiuntur. Et cerè memini plures
tunc ex nostro numero, id est, ex BALDUINI
amantissimis discipulis, viros graves, & di-
cendo, scribendóque exercitatos præstò fuisse,
qui ejus causam ardentissimè acturi fuissent, &
adversarii μεγαληγοίαν *, audaciāmque refræ-
naturi, si eorum patrocinio uti, &, ad istius
exemplum, auxiliarios adhibere scriptores op-
timus Doctor voluisset. Verùm ille, laudatâ
suorum erga se voluntate, tantummodo postu-
lavit, ut paululum sibi otii, & temporis ad
respondendum concederent.

Itaque triduo sumpto, hanc, quæ nunc editur,
alteram defensionem festinanter partim scripsit,
partim dictavit: quam quia in eo æstu propè tu-
multua-

* Magniloquentiam.

multuariè effudit, & ab hoc scriptionis genere vehementer abhorret, non nullos veteres imitari instituerat, qui saepe multa scripserunt, quæ ipsi non ediderunt, & proinde *avendora** appellârunt. Sed ne id faceret, complures authoritate, & famâ excellentes viri intercessere; non solùm BALDUINI, sed etiam Reipubl. interesse judicârunt, hanc defensionem quamprimum evulgari, ne nimium procax, & protervus adversarius sinè sudore, & sanguine suos Pæanas caneret. Neque verò iisdem existimârunt, aliam esse necessariam perpolitionem hujus responsionis, quâm primo calore, tanquam abortivo partu, se se acerbâ denuo provocatum, & justissimâ offensione commotum ejecisse, Authot dicebat. Nam & ipsi reputabant illud QUINTILIANI: *In maximo dolore nulla est observatio artis; sed ab Exordio usque ad ultimam vocem perpetuus quidem gemitus: Et argumentis uti licet mixtis, Et confusis.*

Quamobrem eorum rogatu non dubitavi ipse edere primam hanc, quæ in meas manus inciderat, vix licet ab Authore pertextam informationem æquissimæ querimoniæ, quallemcunque vel ab invito justus dolor exprefserat. Credo equidem, si otii plusculum nancisci, seriusquè majorum studiorum occupationibus aliquid detrahere, vel suâ Bibliothecâ,

* Nondum vulgata.

thecâ, quâ eum etiamnum esse destitutum scio,
uti potuisset, fusiùs fortasse aliquot, quòs
non nisi obiter attigit, illustriores, & nobi-
liores locos pertractasset, in quibus eo luben-
tiùs institisset, ut ab homine inimico suas co-
gitationes ad rem ipsam, quæ plus esset alla-
tura utilitatis, planè converteret: Verùm id
aliàs fortasse licebit.

Interea hanc BALDUINI defensionem ad Te
referre, certis de causis visum fuit: nam Ad-
versarius ipse Te Judicem veluti appellat, cùm
multa affirmet, quæ non nisi tuo testimonio
refelli possunt: & res ipsa Judicii tui vim, ad-
mirabilemque Sapientiam necessariò flagitare
videtur. Cui enim, quæso, hujus conten-
tionis disceptatio potiùs debeatur, quàm Tibi,
cujus maximum studium in Religionis cogita-
tione, & dissidiorum conciliatione transmitti-
tur? Quémque memoriâ tenemus dicendo,
disputando, concionando, pertinacissimis,
exquisitisque Adversariis palmam præemptam
reportasse? Quod quidem vestro Illusterrimo
Generi, & Familiæ nobilissimæ veluti pro-
prium esse, etiam recordor. Nam & anti-
quitatis memoriam ex Annalibus nostris repe-
tens, & ad hæc usque tempora quàm longis-
simè perducens, reperio vestrum Genus, &
Nomen ad Religionis integritatem vel consti-
tuendam, vel recuperandam à GOTTFRIDO,
DUCE BULLONIO in multos annos fuisse
pro-

propagatum: quem Ducem unā cum EUSTA-
TIO, & BALDUINO, concordissimis fratribus,
Christianorum, qui nomina in sacrum Bellum
dederant, copiis non modò adfuisse, verùm
etiam præfuisse, cujusque armis Sanctæ Ter-
ræ possessionem ex Barbarorum manibus, &
faucibus receptam fuisse, atque conservatam
accepimus. Sed ut nunc, quod instat, aga-
mus, en tibi BALDUINUM, CALVINI petitio-
nibus fortiter obnitentem, quem oculis, ani-
misque persequimur, lubenter offerimus, ut,
Te Judice amplissimo, clarissimus Jurisconsul-
tus cum magni nominis Theologo commis-
sus, quanta Juris ac veritatis vis sit, osten-
dat. Vale.

Lutetiae Parisiorum Jdib. Jul.

M D L X I I .



RESPON-